



SEKTOR ZA CARINE

Broj: 03-02-5-940-46/20

Banja Luka, 17.04. 2020. godine

REGIONALNIM CENTRIMA svim  
Odsjek za carinske poslove

HITNO

PREDMET: Obavještenje o postupanju prilikom kretanja prioritetne robe preko granica zemalja CEFTA – novo  
Veza: akt Sektora za carine broj 03-02-5-940-43/20 od 10.04.2020. godine

Uslijed donijetih posebnih mjera radi sprečavanja širenja bolesti COVID-19, a u cilju olakšavanja transporta i trgovine osnovnim proizvodima u regionu Zapadnog Balkana, u koordinaciji sa sekretarijatima CEFTA i Transportne zajednice, osnovane su tzv. **zelene linije (rute/koridori)**.

Povodom toga, Sektor za carine je aktom broj i datum veze dao uputu za postupanje prilikom kretanja prioritetne robe preko granica zemalja CEFTA zelenom rutom. Spisak robe na koju se odnosi prioritetni prolazak usaglašen je sa svim CEFTA stranama i može se preuzeti i sa internet stranice UIO putem sljedećeg linka:

[http://www.new.uino.gov.ba/cp/Sporazumi o slobodnoj trgovini](http://www.new.uino.gov.ba/cp/Sporazumi%20o%20slobodnoj%20trgovini)

[http://www.new.uino.gov.ba/bs/Sporazumi o slobodnoj trgovini](http://www.new.uino.gov.ba/bs/Sporazumi%20o%20slobodnoj%20trgovini)

[http://www.new.uino.gov.ba/hr/Sporazumi o slobodnoj trgovini](http://www.new.uino.gov.ba/hr/Sporazumi%20o%20slobodnoj%20trgovini)

Između CEFTA strana je usaglašeno da će se identifikacija prioritetne robe vršiti na osnovu tarifne oznake te robe na nivou 8 cifara, unijete u izvoznim i provoznim (tranzitnim) deklaracijama, s ciljem prispjeća informacije o toj robi putem SEED sistema, a sve u cilju najave pošiljke sa prioritetnom robom, odnosno ubrzanja postupka i blagovremene snabdjevenosti tom robom dok traje vanredno stanje. Imajući u vidu da je unošenje tarifnog podbroja od 8 cifara Carinske tarife BiH u tranzitnu deklaraciju u ovom slučaju potreban, jer je to za sada jedini način identifikacije prioritetne pošiljke roba, aktom broj i datum veze, date su upute za postupanje prilikom stavljanja prioritetne robe u postupak izvoza i provoza u BiH.

Međutim, zbog problema koji su evidentirani na graničnim prelazima na kojima se roba stavlja u postupak provoza u BiH, zbog teškoće tarifiranja iste u postupku provoza, kada je u pitanju zbirna pošiljka sa većim brojem naimenovanja, te ostalih s tim povezanih problema tehničke prirode, obavještavamo vas da je u cilju prevazilaženja navedenog problema, a u skladu sa tehničkim zahtjevima sprovođenja predmetnog postupka, omogućeno sljedeće:

- Ukoliko se radi o zbirnoj pošiljci, tj. pošiljci koja pored prioritetne robe sa usaglašene zajedničke liste roba, sadrži i drugu robu koja nije sa navedene liste, tada se ta roba prijavljuje za postupak provoza i "zbirno svrstava" na sljedeći način:
  - sva roba sa usaglašene zajedničke liste koja je sadržana u predmetnoj pošiljci prijavljuje se u provoznoj carinskoj prijavi (u daljem tekstu: TR prijava) **zbirno u jednom naimenovanju**,
  - u polju 31 (mjesto za opis robe) tog naimenovanja, prvo treba upisati velikim slovima latinicom riječ "COVID", a zatim naimenovanje robe iz Carinske tarife BiH i odvojeno kosom crtom riječi: "COVID roba prema priloženoj tovarnoj listi (spisak pošiljke)" uz naznačenje serijskog broja ili druge oznake priložene tovarne liste (sačinjene u skladu sa Prilogom 30 i Prilogom 31 Odluke o provedbenim propisima Zakona o carinskoj politici Bosne i Hercegovine),

- u prvu potpodjelu polja 33 (Šifra robe) tog naimenovanja upisuje se tarifna oznaka Carinske tarife BiH na osam cifara u koju se svrstava bilo koja od roba (samo jedna vrsta robe) sa usaglašene zajedničke liste koja je sadržana u predmetnoj pošiljci (napomena: tarifna oznaka se mora navesti zbog razmjene informacija među CEFTA stranama i ona u tu svrhu obuhvata svu "COVID" robu iz priložene tovarne liste),
- ostala polja tog naimenovanja koja se popunjavaju u TR prijavi popunjavaju se na način kako je propisano Uputstvom za popunjavanje carinske prijave i zbirne prijave ("Službeni glasnik BiH", br. 43/19 i 21/20) (vidjeti član 23.),
- ako TR prijava, pored robe sa usaglašene zajedničke liste, obuhvata i drugu robu koja nije sa usaglašene zajedničke liste, tada se za tu drugu robu polja u njenom naimenovanju (druga roba sa sistemskom šifrom "98010000") popunjavaju na način propisan Uputstvom za popunjavanje carinske prijave i zbirne prijave (vidjeti član 23.);
- Ako cjelokupna pošiljka sadrži samo robu sa usaglašene zajedničke liste (bilo jednu ili više vrsta tih roba), takođe se ista u provoznoj prijavi prijavljuje u jednom naimenovanju i tarifira samo za jednu vrstu prioritete robe u tom naimenovanju, kako je prethodno opisano;
- Prilikom evidentiranja TR prijave za postupak provoza u elektronski kontrolnik za vođenje evidencije o razduženju postupka izvoza robe (program EXDisc), za slučaj kada pošiljka sadrži samo robu sa usaglašene zajedničke liste, u polje za trgovački opis robe kontrolnika programa EXDisc upisuje se riječ "COVID", a zatim uz jedno mjesto razmaka, upisuje se tarifna oznaka iz naimenovanja te robe iz odnosne TR prijave po kojoj roba napušta carinsko područje BiH. U slučaju zbirne pošiljke, upisuje se riječ "COVID", te tarifna oznaka te robe kako je prethodno navedeno i sa jednim mjestom razmaka upisuje se sljedeće: "I DRUGA ROBA".

Navedeno je obavezno samo u slučaju kada korisnik postupka provoza za robu sa usaglašene zajedničke liste želi prioritetni prolazak iste i u tom slučaju postupak provoza za tu robu može se odvijati samo zelenom rutom preko intra CEFTA graničnih prelaza u BiH, a to su CR/GP Rača i CR/GP Klobuk.

Potrebno je da o sadržaju ovog akta upoznate sve unutrašnje organizacione jedinice kao i učesnike u carinskom postupku.

Odjeljenje za komunikacije i međunarodnu saradnju će odmah po dobijanju, ovaj akt objaviti na službenoj WEB stranici UIO.

S poštovanjem,

**Dostaviti:**

- Naslovu
- Kabinetu direktora
- 01/3
- 03
- 03/3
- 03/2
- 03/6
- 06
- a/a

